

# 論歐洲戰事與俄國革命之關係

申鳳章 自俄  
寄稿

不佞旅俄多年。於俄國內情。知之甚諗。當此歐洲酣戰。中德斷交之際。俄國適於是時。發生革命。雖國內之戰禍未生。而遜位之詔書遽降。地方秩序。尙能維持。國家治安。幸無破壞。似於戰事前途。無甚關係。然國有大故。則軍心必渙。其不能一鼓作氣。協力進行者。蓋亦可以想見矣。然則此次政變。其於俄國之國運如何。歐戰之關係如何。我國所受之影響。又如何。前路茫茫。變幻不測。雖有明智。亦難洞知。不佞忘其顯愚。妄有論述。追懷既往之陳迹。敷陳戰國之邦情。發個人觀察之私衷。究世界將來之大勢。邦人君子。儻亦樂於討論者歟。

## 一 歐戰過去之成績與發生之真因

歐洲啓戰。倏將三年。此三年中。殺人之術。既精而又精。損失之多。遂計不勝計。成績何若。可得而言。比塞孟之

宗社幾墟。俄德土之疆域日蹙。（德本國雖僅失去亞爾薩斯勞林 Alsace-Lorraine 領地。然各洲屬地。喪失殆盡。）法境雖有恢復之望。羅國又當新敗之餘。惟布意兩國。尙屬損失無多。而奧匈聯邦。業已一蹶難振。默觀數十餘戰國中。其能金甌無缺。攻取人地者。惟英國耳。百年以來。英國持歐洲之霸權。屬地既遍乎全球。海軍則散布環海。國力之充實。氣象之雄偉。有囊括全球。不可一世之概。德國以後起之雄。力謀進步。比年以來。國勢大盛。海軍之強。雖未能頡頏英倫。而陸師之精。實足以稱雄世界。其勢且駸駸焉。有與英爭霸之勢。兩雄並峙。勢自不能相下。英德之相忌。其由來固已久矣。所猶能維持和平者。徒以均勢故耳。不幸奧塞啓釁。德與英亦相繼而以干戈相見。世界大戰。遂於是而始矣。德之興師爲助奧。英之宣戰爲援比。此固世人之所熟

33520 知者也。然尋繹因由。則知所謂助奧援比者。特其名目焉耳。其宗旨所在。夫固別有用心也。彼德人之意。固欲勝法挫俄。以擴張其國家之威力。而因與英吉利爭持制海權之先聲。若英人之心。則欲聯俄敗德。以鞏固其稱霸之雄圖。而擊破普魯士軍國之主義。故此次歐戰。倘德不加入。則奧匈恐非俄敵。奧匈敗而德之勢以孤。抑英不出師。則法俄難與德抗。法俄敗而德之勢益盛。此後英國欲圖對抗。勢必難乎爲敵。此中因果。不難推求。以釀成今日之大戰。英之出戰。德固非所料也。彼開薩 (Kaiser) (德語皇帝也) 之意。以爲東取俄都。下莫斯科。西降巴黎。不過反手間耳。求勝之心太急。希望之情過殷。竟至侵比犯魯 (Luxembourg) (魯孫堡。係德比間小國) 而不恤。而不知英國之執言仗義。遽興問罪之師也。英以海王名。遂挾其海軍無上之威力。以厲行其坐困德國。嚴封北海之計畫。此策一行。而德國遂成困獸矣。

二 戰期中德國外交之失敗  
德國外交。向以武斷進取爲方針。與英國之以穩健成功爲政策者。迥乎其不相侔。惟其武斷。故弱小者。易受其強制。而強大者。難與之相安。世有以布國加入同盟。盛稱德國外交之機警者。不佞觀察世局。而於德之外交。不能無所訾議焉。茲請得而述之。夫德奧意三國。非締結攻守同盟之約者乎。德奧宣戰。意應出師援助。庶可盡其同盟之義務。乃開戰之始。意竟藉口於德欲攻人。非人侵德之語。而宣告其局外之中立。德國於此。已不能不謂其外交之失敗。然意不相助。而能令英不加入者。則德奧之戰勝。猶可操左券也。乃竟侵魯犯比。武力橫行。雖經英國之一再抗爭。而無效。不能因風轉舵。施其外交之敏腕。略改軍事之方針。以杜蹂躪公法之譏評。而免開罪英人之事實。坐令英國宣言援比。加入戰團。此德國外交之失敗。孰有甚於此者。雖然。英德相忌甚深。英之抗德。猶可言也。乃有一同盟之意而不能

得其助。且不特不能令其發敵愾同仇之義憤。反演成倒戈相向之慘劇。然則同盟之謂何。攻守同盟之謂何。俾士麥以機詐之手腕。誘意而入於同盟之局。謂爲大告成功者。其結果之惡。乃竟至如斯。此眞外交上之大變局。而不能不令人爲德國發無量之悲嘆者矣。

雖然。德不能重視魯比。蹂躪其同訂之中立條約而不顧。而謂意能尊重德奧。嚴守其同盟之約章而相助者。有識者早知其不然矣。故謂德侵魯比。卽爲導意以攻德奧之先聲。要不無幾分之因由耳。若土布之能棄中立而入同盟者。誠不能不謂德外交之成功。然其所以成功者。亦卽不佞所謂武斷外交。強制弱小之故智耳。土布兩國。於戰事大局。究無甚大之關係。仍不能防羅國之不入聯軍。今德國以潛艇戰爭一事。且激起世界之公憤。羣起而爲抗議之舉。吾中美兩大共和國。且相率而出於絕交之途。德之爲德。亦幾乎其爲世界之公敵矣。遑論外交耶。

### 三 俄國對於戰事之狀況

俄國有世界七分之一之土地。擁一億五千餘萬之人口。跨歐亞兩洲之間。有高屋建瓴之勢。泱泱乎大國之風哉。陸軍之精。夙負盛譽。日俄一役。海陸均喪。蓋世雄名。竟受創於區區之日本。間嘗究其致敗之由。而知其弱點所在。實敗於兵氣之太驕。史拉夫人種。具自大之風尚。富驕狂之氣習。徒具進取之雄心。絕少堅忍之能力。其不能始終堅持。克勝厥敵者。其故蓋有由也。此次戰事。當其啓釁之初。上自將士。下至目兵。均有蓋世拔山。摧枯拉朽之志。以爲一舉可以成功。厲兵秣馬。奮勇而前。一戰而入普魯士。得地甚廣。其初勢果甚盛。乃再戰而北。三戰而益負。此後對德戰事。有敗無勝。幾如一二三之連續而起。不特不能攻取寸土。而且波蘭全境。轉盡喪於敵人之手。俄人之無堅忍心。而不能始終抗敵者。詎非明證歟。其對奧戰爭。亦始而大捷。繼而大負。去秋復轉敗爲勝。今春則堅壁不進。然縱觀俄奧戰局。

33522

尙屬勝多敗少。若俄軍之所能自顯其身手者。則惟俄土戰場耳。溯自啓釁。拓疆甚廣。所未能長驅大進者。則以山路崎嶇。不便行軍故耳。土本積弱之邦。况復兵燹連年。瘡痍未復。其不能與俄爲敵者。勢所然也。乃猶能支持至今。而未嘗傾覆國家者。蓋已幸矣。

戰爭之勝負。由何分乎。曰分之之道。不外三端。軍數之多寡。一也。金融之豐嗇。二也。軍械之利鈍。三也。三者均居上選。而猶必輔之以勇敢之軍心。濟之以機變之戰略。而後可以望勝。今返觀俄國。其於此三者。果如何乎。史拉夫人口蕃殖。且又夙行徵兵之制。則於人數一端。固可占勝著也。獨是金融軍械兩端。則俄人之所最感困難者。况乎革命潮流。早醞釀於全國。貧民暴動。又時起於歐俄。其不能一致對外。蓋亦可以瞭然矣。幸英日美三國。盡力援助。若金融。若軍械。得能支持至今。而無虞缺乏者。則三國協助之力也。亞俄之海參威 Vlati-

vostock 與歐俄之亞爾干 Archangel (歐俄白海口

岸) 兩港。均軍械之所從而輸入者也。然亞爾干僻在北方。天寒卽須封港。海參威遠濱東海。陸程又嫌過遙。輸運軍需。均屬不便。故前敵戰事。倍見困難。惟俄以疆域寥闊。人口衆多。故所喪之地。雖鉅。仍無妨於大局。欲謀征服。殊難奏功。彼德國亦深知其情。故汲汲以說俄先和爲務。俄亦困於兵禍。久有希望和平之意。祇因開戰之初。聯軍各國。曾締同戰同和之約。故俄國有所顧忌。不得不作觀望之計耳。

#### 四 英國之決心戰敵與俄皇之傾向修和

英國國力充物。軍械精足。抱不屈不撓之志氣。奮再接再厲之精神。非敗德不言和。非凱旋不解甲。而法意兩國。亦尙銳氣未挫。受損無多。仇德之心正深。戰勝之願綦切。俄亦聯軍之一。其對德計畫。意者當亦從同。顧默察俄政府之心理。則其所持方針。殊有大不然者。俄皇方苦心焦慮。急欲修和。祇因阻於英人。故所謀終未如願。此其中外交變幻。原因紛歧。殊有非常人之所能意

料者。茲述其略如下。

按聯軍國中。英法兩國。夙尚自由。惟俄則置重君權。與英法格不相投。其政治制度。大抵取範德國。當二百數十年前。俄彼得大帝。徼服西行。游歷各國。震驚於當世之文明。遂銳意爲興革之事業。回鑾之際。密訪良材。同歸者多德國名人。蓋均彼得所特聘。以爲楚材晉用之計耳。返國而後。授以重權。改之革之。損之益之。不數年間。國勢大盛。遂一躍而與中原相見。此德人之有功於俄國。固有不可泯沒者焉。自是而後。德人之相繼來俄者。踵趾恒相接。其勢力之大。誠非他國所能望其項背也。迄今此項德人。雖歷世相傳。久入俄籍。而其根本出身。則固非史拉夫之族類也。其所持政策。專以伸張君權。剝奪自由爲務。以爲迎合意旨。固寵希榮之地。故俄皇之信任益專。而國民之嫉視益甚矣。俄民處專制淫威之下。心有所不能甘。意有所不能平。相激相刺。而君與民之勢。終至不能相下。革命潮流。遂潛滋而暗長。醞

釀至今。蓋已數十年於茲矣。際此戎馬倥傯。軍書旁午之會。朝野志士。遂欲乘外患方亟。不遑內顧之機。以逞其傾覆俄廷。恢復自由之計。危機四伏。其勢遂不可終日。顧俄皇明者也。深知國人之不可恃。而有竊發之憂。故因其致疑國人之故。遂益堅見信德裔（即前所述俄籍德人）之心。內則閣員。外則高官。幾至半屬此輩。蓋欲藉其善摧民權之能。以達其鞏固皇基之願。况加以外勞甚惡。內亂堪虞。更欲藉此輩斡旋之功。以爲早日修和之計。俾可移其軍威。震懾國內。使暴動不能勃發。隱患因而漸消。此俄皇之深衷也。

雖然。未佔大勝。遽謀修和。此英人之所至不願者也。俄如單獨先和。則將遺譏背約。勢有所不可能。如欲長此持久。則又內亂滋虞。力有所不可及。俄皇於此。蓋已轉輾反側。幾費躊躇矣。當斯時也。德國適提倡修和。美國亦建議調處。俄人聞之。以爲從此可以解戎衣。敦玉帛。議和之聲。洋溢全國。而孰知英法之終不願罷兵也。俄

33524

亦迫於衆議。不得不整軍續戰。以圖最後之勝利。然眞意所在。則固非俄皇之所心願者耳。

法本共和國。而英則君主其形。共和其實。Monarchy in form but Republic in practice 者也。俄國新黨人物。其曾游學英法者。不乏其人。既傾慕其政治之修明。復醉心於民權之發達。其革命思想。遂漸生於不知不覺之間。故俄人之富於革命思想者。卽爲親英親法之人。聞諸俄人傳述。謂此次革命。英法兩國。實與有關係。故能一舉手而成功。因俄皇任用德裔。密謀修和。殊爲英法之所大不願。深恐計議成熟。竟至先和。則與戰事前途。將生不利。縱約一解。軍心必至渙散。此英法維持革命之深意也。

### 五 俄國革命時之情形與革命後之現狀

俄國國會。亦由參衆兩院組成。衆院議員。悉由民選。革命分子。實居多數。嫉閣員之剝奪民權。忿俄皇之信任德裔。故閣員有因事出席。報告國情者。議員等非頓足

呼叱。卽拍案斥責。秩序之紛擾失次。與閣員之局促難安。蓋有非言語所可形容者。故開戰未及三年。而內閣已倒四次。（按開戰以前。俄國內閣。頗難動搖。與法國情形不同。從無如近年之短命。）其紛擾可想見矣。國會開會之期。每次不過數日。輒因擾亂非常。俄皇下諭停會。顧近數月來。內部暗潮。愈臻劇烈。而革命籌備。漸次完成。軍界人員。亦多隸屬黨籍。形勢岌岌。鬱而未發。有識者。早知其有暴動之一日矣。此次政變。啓釁於國會停會。當俄皇停會諭下之時。衆院議員。抗不遵諭。相率而赴禁衛軍司令部。協議之下。卽由議員率領全軍。（據俄報傳稱。有二十五萬之衆。）分赴各處。凡各部院各機關。所有重要人員。悉被拘禁。郵電局所鐵路要塞等處。亦悉行佔領。此當日俄京之情形也。俄皇身兼總司令。時正行次朴次可。Pskov（在俄京之南）籌畫戰事。突聞俄京有變。急召前敵將士。欲令其返戈勤王。乃諭旨始經外傳。而革軍卽已繼至。力迫俄皇。宣詔遜位。

俄皇勢處窮迫。孤立無援。不得已而降詔。遂讓位於其弟米哈伊爾阿列克三維赤 Mikhail Alexandrovitch 親王。並任命皇叔尼古來尼古來維赤 Nikolai Nikolaevitch 爲全軍總司令。遜位之詔一下。歡聲遂動全國。茲將該詔譯之如下。

俄羅斯全國皇帝兼波蘭王芬蘭大公尼古來第二 Nikolai Second 敬昭告於全國國民曰。溯自啓戰以來。敵人之蹂躪我俄者。已三年矣。昊天不弔。內亂又生。戰事前途。益增險象。我俄國之國運。軍人之名譽。人民之幸福。祖國之光榮。必以戰勝敵人。始可保持。殘暴之敵。已竭其最後之軍力。我俄國忠勇之陸軍。行將會合聯軍。同破敵國。際此一髮千鈞之會。朕內省神明。願遵照國會之決議。遜讓皇帝之位。並解除總司令之職。庶全國國民。可以團結一體。戰勝敵人。以造福於我民。惟朕不願分離愛子。故將皇帝之位。讓與皇弟米哈伊爾阿列克三維赤親王。命其繼登

皇極。總掌全國之務。遵守立法機關所定之法律。勿違對於俄國所發之誓詞。與人民代表聯合一體。同理國政。並仰全國國民。各盡應盡之義務。服從皇帝之命令。得以制勝敵人。朕有厚望焉。

米氏聞俄皇讓位於己。深知大勢之所趨。俄民之難馭。亦不願遽登皇位。發布辭位之宣言。願將國體問題。聽諸意。開國民代表大會。投票決定。視國民之從違。以爲己身之進退。但選舉代表手續綦繁。一時當難就緒耳。現由衆議院議員組織臨時政府。全體國務員均係該院議員。其所發布之新政。凡政治宗教各犯。一律赦免。集會結社。均可自由。種族宗教階級之制限。全行解除。全國憲兵警察。全數取消。憲兵改爲通常陸軍。調赴前敵。警察改爲民團。民團團長。由國民選舉。隸屬自治會等。舉凡從前禁例。抑制民權者。大抵悉數消除。民氣之發皇。與吾國改革初期。大略相似。集會結社之舉。既層出而不窮。言論主張之人。亦龐雜而不一。與昔日之

33526 噤若寒蟬。局促若轅下駒者。相去不可以同日語矣。凡德裔俄人。大抵悉解政柄。或被拘禁。或放歸田。自由平權之聲。洋溢於耳鼓。神速哉俄之革命也。

## 六 德國之作戰計畫與國內真情

德國此次潛艇攻襲計畫。責以蔑視友邦。蹂躪公法。德固無以自解。然其所以出此者。亦屬萬不得已之計。楚歌既起於四面。國勢乃危如累卵。孤注一擲。以冀倖勝。公理公法。夫固有所不暇計及者矣。否則曠日持久。勢難坐困。一旦力竭勢窮。終必拋戈投服。故德國此舉。非爲求勝而行。特爲求和而行耳。顧潛艇戰。略。茲已實行多時。各國商輪。雖受損害。而遙觀戰局前途。曾未見有何變化。北海封鎖。亦未嘗敗其功能。則潛艇攻襲之效果。其大略亦可知矣。

不佞有友人新自伯林來。傳述德國現狀。謂日食之糧。勢已難乎爲繼。而應用之物。又復供少求多。故飲食之

需。服用之品。購售均有限制。如衣服鞋帽等類。每人每年。至多不過兩套。牛肉麪包之倫。亦均各有定量。苟有私售。嚴加懲罰。獄中囚徒。業已悉數釋放。或充工場之工徒。或作軍前之戰士。全國之中。幾無一閒人。一廢物。故能困守三載。支持至今。蓋已難能而可貴矣。仇英之心。日甚一日。英爲德之勁敵。懼之深。故仇之甚也。

## 七 歐戰結果之觀察

處今日之勢。吾人所急欲知而最難知者。莫歐戰之結果若也。戰局之大。既瀾漫乎全球。時日之長。亦將及於三載。終局如何。殆難逆知。然不佞觀察大勢。所敢發一言者。倘合縱之約不解。則德奧終須乞降。而俄國國內能安。則縱約終屬難破。若更進一層而言。則縱約即使解體。勝負亦尙難知。而聯軍團結能堅。則戰事可期全勝。懸吾言以爲鵠。請觀其後何如。